

SAMÞYKKT

um hunda- og kattahald í Hólmavíkurbreppi.

Hundahald.

1. gr.

Hundahald er bannað í þéttbýli í Hólmavíkurbreppi.

2. gr.

Hreppsnefnd er heimilt að veita lögráða einstaklingum (18 ára eða eldri), sem búa í hreppnum, undanþágu frá 1. gr. og leyfi til hundahalds með eftirtöldum skilyrðum:

- a) Leyfi er bundið við nafn og heimilisfang tiltekins einstaklings og er óheimilt að framsetja það.
- b) Ef sótt er um leyfi til að halda hund í parhúsi eða raðhúsi skal fylgja umsókn skrifleggt samþykki eigenda aðliggjandi íbúða.
- c) Leyfisgjald vegna undanþágu skal greiða til sveitarsjóðs árlega eftir gjaldskrá sem hreppsnefnd ákveður og staðfest er af umhverfisráðherra. Við ákvörðun gjaldsins skal tekið mið af þeim kostnaði, sem leiðir af framkvæmd þessarar samþykktar. Gjaldið skal greitt í fyrsta sinn við skráningu hunds, og síðan árlega fyrirfram 1. janúar ár hvert. Hafi gjaldið ekki verið greitt innan tveggja mánaða fellur leyfið sjálfkrafa úr gildi.
- d) Hver hundur sem veitt er leyfi fyrir skal þegar ábyrgðartryggður og skal sveitarstjórn annast þá tryggingu. Tryggingin skal ná til alls þess tjóns, sem hundurinn kann að valda mönnum, dýrum og munum.
- e) Hundar skulu færðir til hreinsunar í október-nóvember ár hvert.
- f) Hundurinn skal ávallt bera um hálsinn ól með plötu á. Á plötuna skal greypa skráningarnúmer hunds, nafn eiganda og símanúmer.
- g) Óheimilt er með öllu að láta hunda ganga lausa innan marka þéttbýlis nema minkahunda, dýrhunda og sporhunda þegar þeir eru að störfum í gæslu eigenda eða umráðamanna. Hundar skulu annars ávallt vera í taumi utanhúss nema á opnum svæðum fjarri alfaraleið og þéttbýli. Leyfishafi skal gæta þess vel að hundur hans valdi ekki hættu, óþægindum eða óþrifnaði eða raski ró manna. Hundeiganda er alltaf skylt að fjarlægja saur eftir hundinn.
- h) Eigi má hleypa hundum inn í almenningsfarartæki, leikvelli eða aðra eftirtalda staði:
 1. Vatnsveitur, vatnsból og verndarsvæði þeirra og brunna.
 2. Almennings- og útisalerni.
 3. Hvers konar sorpgeymslur og sorpförgunarstaði.
 4. Gististaði, veitingastaði og matsölustaði.
 5. Tjald- og hjólhýsasvæði, nema skv. ákvörðun umsjónaraðila.
 6. Húsakynni þar sem geymd eru, framleidd eða seld matvæli.
 7. Skóla, kennslustaði, barnaheimili og gæsluvelli.
 8. Rakarastofur, hárgreiðslustofur, hvers konar snyrtistofur og sólbaðsstofur.
 9. Heilbrigðisstofnanir, hæli, heilsuræktar- og íþróttastöðvar og baðstaði.
 10. Fangageymslur og aðrar vistarverur handtekinna manna.
 11. Samkomuhús hvers konar og almennar skrifstofur.
 12. Kirkjugarða, líkhús og líkgeymslur.
 13. Almenn samgöngutæki.
- i) Ákvæði staflíðs h) gildir ekki fyrir hunda sem notaðir eru til löggæslu eða björgunarstarfa, né leiðsöguhunda blindra og sjónskertra.
- j) Ábúendum lögbýla sem eru innan marka sveitarfélagsins er heimilt að halda þarfa hunda án þess að leyfisgjald komi fyrir, enda gilda sömu reglur um þá hunda innan þéttbýlis og aðra hunda. Kostnað vegna hundahreinsunar o.þ.h. greiðir eigandi.

k) Óheimilt er að láta hund sem er eldri en 3ja mánaða dvelja lengur í þéttbýli en einn mánuð, án þess að sótt sé um leyfi fyrir honum.

3. gr.

Umsókn um leyfi til hundahalds skal senda hreppsnefnd, sem gefur út eða synjar umbeðnu leyfi.

Upplýsingar um hundinn skal færa í þar til gerða bók hjá hreppsnefnd. Þar skal skrá heiti, aldur, kyn, tegundarafbrigði, lit og önnur einkenni hundsins. Þar skal einnig skrá nafn og heimilisfang leyfishafa.

Árlega skal senda sýslumanni skrá um leyfða hunda. Leyfishafi fær afhenta merkta plötu, sbr. ákvæði staflíðs f) í 2. gr. og eintak af samþykkt um hundahald í Hólma- víkurhreppi.

4. gr.

Við minniháttar brot á samþykkt þessari skal hundeigandi sæta skriflegri áminningu og greiða allan kostnað er leiðir af brotinu. Ef um ítrekað eða meiriháttar brot er að ræða gegn ákvæðum þessarar samþykktar eða öðrum reglum sem um hundahald gilda, getur hreppsnefnd afturkallað leyfið. Skal leyfishafi þá afhenda hundinn lögreglu til ráðstöfunar. Einnig getur hreppsnefnd afturkallað öll leyfi til hundahalds telji hún þess brýna þörf.

5. gr.

Heilbrigðisnefnd eða aðilar á hennar vegum annast framkvæmd og eftirlit með hundahaldi í Hólma víkurhreppi og geta leitað aðstoðar lögreglu yfirvalda þegar þörf krefur og ef um endurtekin brot á samþykkt þessari er að ræða.

6. gr.

Hunda sem ganga lausir utanhúss í þéttbýli skal handsama og færa í geymslu. Sama gildir um hættulega hunda og óleyfilega. Tilkynna skal eigendum merktra hunda um töku þeirra. Ómerkta hunda skal reynt að bera kennsl á og tilkynna eiganda ef hann finnst. Kostnaður við töku, tilkynningu og geymslu hunda skal að fullu greiddur af eigendum.

Hunda sem ráðast á menn eða skepnur skal fjarlægja, og er heimilt að lóga þeim þegar í stað. Aðra hunda er heimilt að afhenda, ef leyfi er framvísað innan 7 daga frá því hundurinn kom í vörslu eftirlitsmanns, enda verði áfallinn kostnaður greiddur áður en það er gert. Að öðrum kosti er heimilt að lóga hundinum.

Kattahald.

7. gr.

Allir heimiliskettir skulu bera bjöllu og merkta hálsól, þar sem fram kemur nafn eiganda, heimili og símanúmer. Eigendum katta er skylt að gæta þess að kettir þeirra valdi ekki nágrönnum ónæði.

8. gr.

Hreppsnefnd er heimilt að takmarka eða banna kattahald í þéttbýli, ef til þess er talin brýn þörf að mati heilbrigðisnefndar, heilsugæslulæknis eða héraðsdýralæknis. Þannig getur hreppsnefnd t.d. takmarkað fjölda fullorðinna katta á heimili við ákveðna hámarkstölu, ef ástæða þykir til.

9. gr.

Hreppsnefnd er heimilt að láta eyða ómerktum flækingsköttum, enda hafi framkvæmdin verið auglýst með áberandi hætti í sveitarfélaginu a.m.k. 7 sólarhringum áður en hún hefst.

Annað.

10. gr.

Með brot á samþykktum þessum skal fara samkvæmt ákvæðum laga nr. 81/1988 um hollustuhætti og heilbrigðiseftirlit.

11. gr.

Samþykkt þessi sem samin er og samþykkt af hreppsnefnd Hólmavíkurhrepps staðfestist hér með samkvæmt 22. gr. laga nr. 81/1988 um hollustuhætti og heilbrigðiseftirlit til þess að öðlast gildi við birtingu. Frá sama tíma fellur úr gildi samþykkt nr. 311/1976 um hundahald í Hólmavíkurhreppi.

Ákvæði til bráðabirgða.

Þau leyfi sem veitt hafa verið fyrir gildistöku þessarar samþykktar halda gildi sínu. Að öðru leyti gildir samþykktin um þau að fullu.

Umhverfisráðuneytið, 20. nóvember 1995.

F. h. r.

Ingimar Sigurðsson.

Sigurbjörg Sæmundsdóttir.

AUGLÝSING**um nýtt fasteignamat.**

Samkvæmt 26. gr. laga nr. 94/1976, um skráningu og mat fasteigna, hefur yfirfasteignamatsnefnd ákveðið framreiknistuðla fyrir skráð matsverð fasteigna á öllu landinu með hliðsjón af breytingu verðlags fasteigna við kaup og sölu frá síðasta viðmiðunartíma matsins til 1. nóvember sl. Nefndin hefur ákveðið framreikning á matsverði fasteigna þannig:

- Matsverð íbúðarhúsa og íbúðarlóða, sumarhúsa og sumarhúsalóða, bújarða ásamt íbúðarhúsum og útihúsum á bújörðum og hlunninda, sbr. þó staflíði b og c hér á eftir, hækki um 1% og framreiknistuðull verði samkvæmt því 1,01.
- Matsverð íbúðarhúsa og íbúðarlóða í þéttbýli í eftirtöldum sveitarfélögum hækki um 5%: Sandgerði, Gerðahreppi, Bessastaðahreppi, Akranesi, Ísafirði, Egilsstöðum, Hornafirði og Ölfushreppi og framreiknistuðull verði samkvæmt því 1,05.
- Matsverð lax- og silungsveiðihlunninda lækki um 5% og verði framreiknistuðull samkvæmt því 0,95.
- Matsverð atvinnuhúsnaðis og atvinnulóða lækki um 2% og verði framreiknistuðull samkvæmt því 0,98.

Við framreikning á ofangreindum grundvelli skal höfð hliðsjón af fyrningum samkvæmt reglum Fasteignamats ríkisins um einstakar tegundir fasteigna.

Ofangreind breyting fasteignamats er miðuð við fasteignamatsverð samkvæmt fasteignaskrá þeirri er gildi tók 1. desember 1994 með síðari breytingum ákveðnum af Fasteignamati ríkisins og yfirfasteignamatsnefnd.

Á vegum Fasteignamats ríkisins hefur verið samin ný fasteignaskrá, þar sem matsverð einstakra fasteigna er skráð samkvæmt þeim framreiknistuðlum sem ákveðnir hafa verið samkvæmt framanskraðu. Hin nýja fasteignaskrá inniheldur einnig þær matsbreytingar sem Fasteignamat ríkisins eða yfirfasteignamatsnefnd hefur gert á einstökum eignum svo sem við endurskoðun á eldra mati og vegna úrskurða á kærur er kunna að hafa leitt til matsbreytinga.

Fjármálaráðherra hefur staðfest heildareintak hins nýja fasteignamats eins og það hefur verið ákveðið með ofangreindum hætti. Fasteignaskráin mun liggja frammi til sýnis á skrifstofu Fasteignamats ríkisins, Borgartúni 21, Reykjavík, frá og með 1. desember nk. Jafnframt verður eigendum fasteigna send sérstök tilkynning um breytingu á matsverði viðkomandi fasteigna.